

Høyanger, 27.2.16

Kommunal- og moderniseringsdepartementet
postmottak@kmd.dep.no

FRÅSEGN OM NYTT INNTEKTSSYSTEM FOR KOMMUNANE

Raudt Høyanger tek til motmæle mot forslaget til nytt inntektssystem for kommunane. Vi gjer dette fordi det er foreslått tre store endringar:

- i basistilskotet ved at dette ikkje lenger skal gå til alle kommunar som no
- i kva innbyggjartal i ulike alders- og sosiale grupper har å seie for kostnadsutjamning
- i regionaltilskot og småkommunetilskot.


Mykje i forslaget ser ut til å vere økonomisk tvang til kommunesamanslåing og at det er småkommunar og distriktkommunar som vil tape på dette (det er antyda eit nettotap på 70 mill. kr for kommunane i Sogn og Fjordane åleine). Dette kan utgjere 70-100 stillingar som blir flytta til sentrale strok og reduserer distriktkommunane si evne til å yte gode oppvekst- og omsorgstenester.

Når inntektssystemet skal endrast, må det heller endrast slik at mindre kommunar og kommunar med særleg dårleg inntektsgrunnlag må få auka tilbakeføringar frå staten, slik at småkommune-fordelane kan oppretthaldast. Fordelane med mindre kommunar er tydelege når ein ser at innbyggjarane i desse kommunane stort sette er meir fornøgde med kommunale tenester enn i større kommunar.

Raudt Høyanger vil også kritisere den korte fristen på å komme med uttale om det nye inntektssystemet. Trass i det som er skrive ovafor er det også slik at det er først med Kommuneproposisjonen ein kan seie med sikkerheit kva dei foreslåtte endringane vil innebere. Dei føreslåtte endringane burde vore betre utgreidde enn kva dei er i Kommunal- og moderniseringsdepartementet sitt høyringsnotat.

Raudt Høyanger ber om at blir laga eit fråsegn som kommunestyremøtet 25. feb. kan vedta å sende som høyringssvar til departementet.

Med helsing
Raudt Høyanger



Einar Rysjedal
leiar